

Zagrebačka 9, 88000 Mostar, Bosna i Hercegovina; tel. 036 988 022, fax 036 332 598

www.newroadbih.org, www.noviput.ba, info@newroadbih.org,

PRES KONFERENCIJA

povodom početka realizacije jednogodišnjeg projekta "Promovisanje rodno osviještenog novinarstva u BiH"

Mostar, 12.03.2012.

Udruženje "Novi put" u periodu februar 2012 – januar 2013 implementira projekat pod nazivom "Promovisanje rodno osviještenog novinarstva u BiH".

Cilj ovog projekta je da se poveća angažman medija po pitanju rodno osviještenog novinarstva tako što će se podržati inicijative organizacija žena, udruženja novinara i ostalih udruženja građana. Aktivnosti koje će se provoditi u okviru ovog projekta će doprinijeti većoj zainteresovanosti i uključenosti medija o problemima žena, kao i za način na koje su predstavljene u medijima. Projekat se implementira uz podršku organizacije WACC (World Association of Christian Communications) Svjetska organizacija kršćanskih komunikacija.

BiH je još uvijek patrijarhalna zemlja u kojoj dominiraju stereotipi i predrasude o ženama. Tako i većina medija, svjesno ili nesvjesno, doprinosi marginalizaciji uloge žena u društvu. Rezultati Globalnog projekta monitoringa medija¹ koji obuhvata više od 60 zemalja svijeta i čiji je cilj promovisanja fer i balansirane zastupljenosti oba pola u vijestima širom svijeta, pokazuju da su u BiH žene rijetko u fokusu vijesti kao glavni akteri, iako su većinom angažovane kao reporterke i spikerice, što se posebno odnosi na područje politike i vladajućih struktura.

Projekat se oslanja na analizu BiH medija, koju je uradila nevladina organizacija „Udružene žene“ iz Banjaluke u sklopu pomenutog Globalni projekat monitoringa medija, a koristit ćemo se smjernicama pod nazivom „Strategije u eliminisanju rodne diskriminacije u jeziku, u obrazovanju, medijima i pravnim dokumentima“, koje su nastale kao rezultat istoimenog projekta, implementiranog od strane asocijacije „Lingvist“ iz Sarajeva.



¹ <http://www.unitedwomenbl.org/index.php?limitstart=10&lang=sr>

Zagrebačka 9, 88000 Mostar, Bosna i Hercegovina; tel. 036 988 022, fax 036 332 598

www.newroadbih.org, www.noviput.ba, info@newroadbih.org,

Projektne aktivnosti su osmišljene s ciljem unaprijeđenja saradnje između medija i nevladinih organizacija koje rade na unaprijeđenju položaja žene u društvu i senzibiliziranja cjelokupnog društva po ovom pitanju.

Predviđene aktivnosti uključuju monitoring trenutne situacije u BiH medijima, interaktivne radionice, treninge, kao i okrugle stolove čiji će učesnici u otvorenom dijalogu imati priliku iznijeti svoje dileme i stavove. Rezultati monitoringa biće objavljeni u sljedećem izvještaju Globalnog projekta monitoringa medija 2015 godine.

U projekat će direktno biti uključeni novinari, urednici i predstavnici nevladinih organizacija, dok će korist imati i svi oni koji neće direktno učestvovati u projektu ali će od svojih kolega usvojiti znanja i iskustva sa pomenutih aktivnosti.

Nadamo se da će aktivno sudjelovanje svih učesnika doprinijeti predstavljanju žena i izazova koje naše društvo pred njih postavlja, smanjenju rodni stereotipa te promociji aktivnog korištenja novinarskog kodeksa.

Projektne aktivnosti podržava Ministarstvo sigurnosti, odjel za borbu protiv trgovine ljudima.



<http://waccglobal.org/>